

全上古三代秦漢三國六朝文

全後魏文卷九

烏程嚴可均校輯

宣武帝

克三關勞元英詔

正始元年八月

知賊城已下復克三關展威闢境聲略宣振公私稱泰良昌欣然
將軍淵規內斷忠謀外舉受律揚旌克申廟算雖方叔之制蠻荆
召虎之埽淮浦匹茲蔑如也新州初附宜廣經略想善加檢督必
令周固有所委付然後凱旋耳

魏書南安王精附傳

下梁將蔡靈恩等詔

正始元年九月甲子

中山王英所執蕭衍冠軍將軍監司州事蔡靈恩等隨才擢敘

魏書

會平江南此等便可放歸也

魏書南安王精附傳

報鄭道昭詔

具卿崇儒敦學之意，良不可言。新令尋班施行，無遠可謂職思其憂，無曠官矣。魏書鄭義附傳

建國學詔

正始元年十一月

古之哲王創業垂統，安民立化，莫不崇建膠序，開訓國胄。昭宣三禮，崇明四術，使道暘羣邦，風流萬宇。自皇基徙構，光宅中區，軍國務殷，未遑經建。靖言思之，有慙古烈，可敕有司依漢魏舊章，營繕

國學

魏書宣武紀

增減律令詔

正始元年十二月己卯

議獄定律，有國攸慎，輕重損益，世或不同。先朝垂心典憲，刊革令軌，但時屬征役，未之詳究。施于時用，猶致疑舛，尙書門下可于中書外省，諭律令諸有疑事，斟酌新舊，更加恩理，增減上下，必令周備。隨有所立，別呂申聞，庶于循變協時，永作通制。

魏書刑罰志

報夏侯道遷詔

正始元年閏十二月癸卯

得表聞之。將軍前議機運已授誠款而中逢猜間致有播越復翻然風返建茲殊效忠貫古烈義動遐邇漢鄭既開勢窮庸蜀混同之略方自斯始擒凶埽惡何使如之想餘黨悉平西南清邊經算淹期當有劬勞所請軍宜別敕一二

魏書夏侯道遷傳

魏書夏侯道遷傳

聽司馬悅赴闕詔

正始初

司馬悅首謀義陽征略有捷且違京既久屢請入朝可遂此志聽其赴闕

魏書司馬楚之附傳

詔田益宗

正始初

懸瓠要藩密邇崧穎南疆之重所寄不輕而羣小猖狂忽構釁逆殺害鎮主規成反叛此而可忍孰不可容卽遣尚書邢持總精騎五萬星馳電驟征南將軍中山王英統馬步七萬絡繹繼發量此蟻寇唯當速奔知將軍志翦豺狼呂濤邊境節義慷慨良在可嘉非塞塞之至何以能爾深戢誠款方相委託故遣中書舍人趙文

相具宣朕懷、往還之規、口別指授、便可善盡籌略、隨宜追掩、勿令此豎得有竄逸、逼近清滯、更有別旨。

魏書田益宗傳

答劉芳詣遷易郊壇詔

所上乃有明據、但先朝置立已久、且可從舊。

魏書劉芳傳

詔邢巒

正始二年二月

繕至彼須有板官、召懷初附、高下品第、可依征義陽都督之格也。

魏書邢巒傳

審議貢舉詔

正始二年四月

任賢明治、自昔通規、宣風贊務、實惟多士、而中正所錄、但存門第、吏部彝倫、仍不才舉、遂使英德罕昇、司務多滯、不精厥選、將何攷陟、八座可審議、往代貢士之方、擢賢之體、必令才學並申、資望兼致、

魏書宣武紀

錄授勳臣子孫詔

正始二年六月

先朝勳臣或身罹讒黜子孫沈滯或宦途失次有替舊流因而弗采何日獎勸言念前績情有親疏宗及庶族祖曾功績可紀而無

朝官有官而才堪優引者隨才銓授

魏書宣武紀

分遣大使省方詔

正始二年七月

朕纂取寶麻于今七載德澤未敷鑒不燭遠人之冤瘼所在猶滋而糾察之獄未陽于下賢愚靡分阜白均貫非所㠭革民耳目使善惡勵心今分遣大使省方巡檢隨其愆負與風響相符者卽加糾黜以明雷霆之威以申旌軒之舉因以觀風辨俗采訪功過褒賞賢者糾罰淫慝理窮恤獎以稱朕心

魏書宣武紀

報邢巒詔

正始二年

若賊敢闖闢觀機翦撲如其無也則安民保境以悅邊心子蜀之舉更聽後敕方將席卷岷蜀電埽西裔何得辭已戀親中途告退宜勘令圖務申高略

魏書邢

因夏侯道遷未拜封下詔

正始二年

道遷至止既淹未恭州封可敕吏部速令召拜

魏書夏侯道遷傳

求言詔

正始三年二月

昔虞戒面從昌言屢進周任諫輔王閼必箴朕仰鑽鴻基伏膺寶
麻思康庶績一日萬幾是日側望忠言虛求謐直而良策弗進規
畫無聞豈所謂弼諧元首匡救不逮者乎可詔王公已下其有嘉
謀深猷直言忠諫利國便民矯時厲俗者咸令指事陳奏無或依
違

魏書宣武紀

詔問元英克敵事機

正始三年四月

賊勢滋甚圍逼肥梁邊將後規日至于此故有斯舉必期勝捷而
出軍淹滯肥梁已陷聞之惋懲實乖本圖今眾軍雲集十有五萬
進取之方其算安在克殄之期復當遠近竟日幾日可至賊所必
勝之規何者爲先故遣步兵校尉領中書舍人王雲指取機要

魏書

司安王

議甄琰請弛鹽禁詔

正始三年四月

民利在斯，深如所陳，付人座議可否。臣聞

魏書甄琰傳

司鹽之稅，乃自古通典，然興制利民，亦代或不同。苟可，臣富氓益化，唯理所在。甄琰之表，實所謂助政毗治者也。可從其前計，使公私竝宜。川澤無擁，尙書嚴爲禁，豪彊之制也。

魏書甄琰傳

棺埋暴骨詔

正始三年五月

掩骼埋胷，古之令典。順辰脩令，朝之恆式。今時澤未降，春稼已旱，或有孤老饑疾，無人贍救，因日致死，暴露溝塹者，洛陽部尉依法棺埋。

魏書甄琰傳

謚源懷詔

正始三年六月

府寺所執，竝不克允。愛民好與曰惠，可謚惠公。

魏書源懷附傳太常寺議謚靖八公司

往府議謚穆公

詔云

破陰陵勞元英詔

正始三年九月

知大摧鯨寇威振南海江浦無塵三楚卷鼈聲被荒隅同軌斯始

公私慶慰良副朕懷便當乘威藉響長驅吳會翦挫遺燼截彼東

南也

魏書南安王桢附傳

命邢懋渡淮詔

正始三年九月

淮陽宿豫雖已清復梁城之賊猶敢聚結事宜乘勝并勢摧殄可

率二萬之眾渡淮與征南掎角自圖進取之計

魏書邢

詔有司敕蠕蠕使人勿六跋

正始三年十月
蠕固遣使朝貢上

案宣武紀戊申蠕文九月癸酉記丑

丁酉知成

申在十月

蠕蠕遠祖社嶺是大魏叛臣往者包容暫時通使今蠕蠕衰微有

損疇日大魏之德方隆周漢跨據中原指清八表正呂江南未平

權寬北掠通和之事未容相許若脩藩禮款誠昭著者當不孤爾

也魏書蠕蠕傳他汗可汗伏闕遣使紹奚勿六跋胡

蠕求通和狀示不報其使詔有司敕勿六跋胡

遣邢轡速進軍詔

正始三年

濟淮掎角事如前敕何容猶爾盤桓方有此請可速進軍經略之宜聽征南至要

魏書邢
摺傳

閩鍾離與元英詔

正始三年十一月

師行已久士馬疲瘠賊城險固卒難攻屠冬春之交稍非勝便十萬之眾日費無資方圖後舉不待今事且可密裝徐嚴爲振旅之意整彊完土開示威略左右蠻楚素應逃亡或竄山湖或難制掠若凶渠黠黨有須翦除者便可撲埽日清疆界如其彊狡憑阻未易致力者亦不煩肆兵凱旋遲近不復委曲

魏書商安
王楨附傳

報賞隴右誠義詔

正始三年十一月

往歲隴右扇逆合境不民其中猶有卒能自守無豫釁亂疾風知勁良在可嘉尚書可甄量報賞目表誠義

魏書宣
武紀

又詔邢轡

正始四年正月

安東將請罷軍，遜回未往。阻異成規，殊乖至望。土馬旣殷，無容停

積。宜務神速，東西齊契。乘勝掃殄，自赴機會。魏書邢
轄傳

令劉芳與主樂務詔

正始四年春

王者功成治定，制禮作樂，自宣風化，自通明神。理萬品，贊陰陽，光

功德，治之大本，所宜詳之。可令太常卿劉芳亦與主之。

魏書樂志
太樂令公

孫策表請高肇監就樂務
世宗知肇非才詔云云

圖鍾離未克，又與元英詔

正始四年春

大軍野次，已成勞久。攻守之方，理可豫見。比類得啟，制勝不過暮春。及省後表，復期孟夏之末。彼土蒸濫，無宜久淹。勢雖必取，乃將軍之深計。兵久力殆，亦朝廷之所憂。故遣主書曹道，往觀軍勢。使還，主其聞。

原蕭實貨詔

正始四年四月

寶龜困難，投誠宜加矜貸。可恕死免官，側爵還第。

魏書邢
轄傳
中山王

筑攻墻敵淮水汎監賈倫與狼狽引退士卒死沒者十四
五有司奏寶貨皆東橋不固軍敗由之處旨極法道武詔

立學詔

正始四年六月

高祖德格兩儀明竚日月播文教目懷遠人調禮學曰旌儕造徙縣中區光宅天邑總霜露之所均一姬卜于洛涘戎繕兼興未遑儒教朕纂承鴻緒君臨寶厤思模聖規述遵先志今天清地寧方隅無事可敕有司準訪前式置國子立太學樹小學于四門魏書宣武紀

進高陽王雍等官位詔

正始四年九月

朕秉麻承天履年將紀徒正宮極歲浹歸餘台懿茂親祇勤已久列司英彥庸績未酬非所謂有功見知賞目時及其目司空高陽王雍爲太尉尚書令廣陽王嘉爲司空百官悉進位二級魏書宣武紀

定五校等官員數詔

正始四年九月

五校昔統營位次于列卿奉車都尉禁侍美官顯加通貴世移時

變，遂爲冗職。既典名猶昔，宜有定員。并殿中二司馬亦須有常數。
今五校可各二十人，奉車都尉二十人，騎都尉六十人，殿中司馬

二百人，員外司馬三百人。

魏書官氏志

令劉芳等詳察公孫崇新廡詔。

正始四年冬

測度晷象，攷步宜審。可令太常卿芳率太學四門博士等依所啟者，悉集詳察。

魏書律厤志上公孫崇表上景明廡世宗詔

聽元和夔爵河南王詔。

和初日讓鑒，而鑒還讓其子，交讓之道，于是乎著。其子早終，可聽

和襲。

魏書河南王曜附傳

改元亮名字詔。

仕明風神運吐，常自比荀文若，可名或。自取定體相倫之美。

魏書

大武子臨淮王諱附傳或字文若本名亮字化明時侍中穆紹與或同署避紹父諱故求改名詔云云

報廝道元請立魯陽學詔。

舊陽本呂蠻人不立大學今可聽之官成良守文翁之化

上史卿道元傳

脩聽訟觀詔

永平元年六月

慎獄重刑著于往詔朕御茲寶座明鑒未遠斷決煩疑實有攸愧可依洛陽舊圖脩聽訟觀農隙起功及冬令就當與王公卿士親

臨錄問

魏書宣武紀

精檢枷杖詔

永平元年七月

察獄呂情審之五聽枷杖小大各宜定準然比廷尉司州河南洛陽及諸獄官鞠訊之理未盡矜恕掠拷之苦每多切酷非所呂祇憲量衷慎刑重命者也推濫究枉良軫于懷可付尚書精檢枷杖

違制之由斷罪聞奏

魏書宣武紀

僧犯付昭玄詔

永平元年秋

緝素既殊法律亦異故道敷彰于互顯禁勸各有所宜自今已後眾僧犯殺人已上罪者仍依俗斷餘犯悉付昭玄呂內律僧制之

魏書釋老志先是立監屬曹又改爲

昭文備有官屬古斷續務世宗詔

北海王詳復爵營厝詔

永平元年十月丁巳

故太傅北海王體自先皇特鍾友愛受遺訓輔冲昧攸託不圖暮
節晦德終缺哀榮便可追復王封剋日營厝少慰幽魂召旌陰威

魏書北海

玉詳傳

詔尚書永平元年十二月

司馬悅暴罹橫酷身首異所國戚舊勳特可悼念主書董紹銜命
公行因漂殊域事可矜愍尚書可量賊將齊苟兒等四人之中分
遣一人敕揚州爲移旨易悅首及紹迎接還本用慰亡存

魏書司馬楚之

傳

荅高肇奏水都等官詔

永平二年正月

使者道二可如所奏其下屬司惟須充事耳亦何勞多也參軍錄

事並更置一謁者加二令史依舊

魏書官氏志尚書令高肇奏水臺請依舊二使者參軍事詔

者并錄事令史亦

隨事史立宣武詔

造雜仗詔永平二年二月

比軍役頻興、仗多毀敗、在庫戎器、現有無幾、安不忘危、古人所戒、五兵之器、事須充積、經造既殷、非眾莫舉、今可量造四萬人雜仗

總書宣
武紀

放樊襄已南掠民詔永平二年四月

聖人濟世、隨物汙隆、或正其權、理無恆在、先朝已雲駕甫遷嵩基、始構河洛、民庶徙舊未安、代來新宅、尙不能就、伊闕西南、羣蠻填聚、泗陽賊城、連邑作戍、蠢爾愚巴、心未純款、故暫抑造育之仁、權緩肅姦之法、今京師天固、與昔不同、揚郢荆益、皆悉我有、保險諸蠻、罔不歸附、商洛民情、誠倍往日、唯樊襄已南、乖道政、被拘隔化、非民之咎、而無賴之徒、輕相劫掠、屠害良善、離人父兄、衍之爲孽、實亦深矣、使河放彼掠民、示其大惠、捨此殘賊、未令之愆、并敕

緣邊州鎮自今已後不聽境外寇盜犯者罪同境內若州鎮主將知容不糾坐之如律

魏書宣

同軌詔

永平二年六月

武紀

江海方同車書宜一諸州軌轍南北不等今可申敕四方使遠近無二

魏書宣
武紀

御韓務獻七寶牀象牙席詔

永平二年十月庚午

晉武帝焚雉頭裘朕常嘉之今務所獻亦此之流也奇麗之物有乖風素可付其家人

魏書傳秀附傳秀子務除鄧州刺史獻七寶牀象牙席宣武詔

五等選式詔

永平二年十二月

五等諸侯比無選式其同姓者出身公正六下侯從六上伯從六下子正七上男正七下異族出身公從七上侯從七下伯正八上子正八下男從九上清脩出身公從八下侯正九上伯正九下子從九上男從九下可依此序之

魏書宣
武紀

賜進士出身二品銜廣東等處提刑按察使司按察使兼管驛傳事務直隸王毓藻校刊

全後魏文卷九終

全後魏文卷十

烏程嚴可均校輯

宣武帝三

立醫館詔

朕乘乾御厤，年周一紀，而道謝擊壤，教慙刑厝。至于下民之莞鍼疾苦，心常愍之。此而不恤，豈爲民父母之意也？可敕太常于閑敞之處別立一館，使京畿內外疾病之徒咸令居處。嚴敕醫署分師療治，攷其能否，而行賞罰。雖齡數有期脩短，分定然三疾不同，或賴針石，庶秦扁之言理驗今日。又經方浩博，流傳處廣，應病投藥，卒難窮究。更令有司集諸醫工，尋篇推簡，務存精要，取三十餘卷，目班九服，郡縣備寫，布下鄉邑，使知救患之術耳。

魏書宣武紀

詔臘祀

永平四年四月

彭宋地接邊疆，勢連淮海，威懾之術，功在不易。朐山險塞，寇之要

防水陸交湊揚郁路衝畜聚凶徒虔劉邊鄙青光齊充每罹其患
卿妙算既敷克城殄眾屢禦閩土何善如之庸勤之懋朕用嘉止
故遣左右直長閭遵業具宣往懷此成郁洲之本存亡所繫今既
失守有不存之心彼見扼喉將圖救援之計今水雨盛行宜須防
守卿可深思擬捍之規攘敵之略使還具聞魏書盧玄附傳盧誕爲徐州刺史表言掩

據朐山

宣武詔

永平四年

報盧昶請兵詔

永平四年

克獲朐山計本于起乘勝之規終宜有寄是日起兵之始卽委處
分前機經略一日任之今旣請兵理宜速遂可遣翼定瀛相四州
中品列林虎賁四千人赴之

魏書盧玄附傳

東堂儀蕭寶夤詔

永平四年四月

蕭衍送死連兵再離寒暑卿忠規內挺孝誠外亮必欲鞭尸吳墓
戮衍江陰故授卿曰總統之任伏卿曰克捷之規宜其勉歟魏書蕭衍傳

令刺史監括僧祇穀詔

永平四年夏

僧祇之粟本期濟施儉年出貸豐則收入山林僧尼隨旨給施民有窘敝亦卽賑之但主司冒利規取贏息及其徵責不計水旱或償利過本或翻改券契侵蝕貧下莫知紀極細民嗟毒歲月滋深非所日矜此窮乏宗尚慈拯之本意也自今已後不得傳委維那都尉可令刺史共加監括尙書檢諸有僧祇穀之處州別列其元數出入贏息賑給多少并貸償歲月見在未收上臺錄記若收利過本及翻改初券依律免之勿復徵責或有私債轉施償僧卽日丐民不聽收檢後有出貸先盡貧窮徵債之科一舉舊格富有之家不聽輒貸脫仍冒濫依法治罪

魏書釋老志

原僧暹等詔

暹等特可原之餘如奏

魏書釋老志向書令高廟奏言僧暹等違旨乖法強令趙苟子等課輸詔云云

遣兵赴廬昶詔

永平四年

胸山之克，寔由于卿。開疆拓土，實爲長策。然經討未服，非卿而誰。而蟻徒送死，規侵王略。天亡小賊，數在無遠。故前者命卿親臨指授，尋召卿疾未瘳，且待消息。今旣痊復，宜遵前旨，秉戈揮銳，殄寇爲懷。已發虎旅五萬，應機電赴，指辰而至。遂卿本請，截彼東南，亮

委高算

魏書盧玄附傳

又詔盧昶

永平四年

取朐置戍，竝是卿計。始終成敗，悉歸于卿。卿曰：「兵少，請益。」今已遂卿本意，如聞東唐陸道甚狹，一軌之外，皆是大水。彼必據之，以斷軍路。若已如此，更設何策？其軍奇兵變，遽召表聞。又聞衍軍將帥，每有流言云：「魏博淮揚宿豫，乃是兩宜。若實有此，卿可量廁山薪水，得支幾時。脫事容往返，馳驛速聞。如新水少急，即可量計。若理不可爾，亦將軍截決。」

呂李崇爲揚州刺史詔

魏書盧玄附傳

永平四年

應敵制變算非一途。救左擊右，疾雷均勢。今朐山蠻寇久結未殄，賊衍狡詐，或生詭劫，宜遣銳兵，備其不意。崇可都督淮南諸軍事，坐敦威重，遙軍聲算。魏書李崇傳崇出除征南將軍揚州刺史詔云云

通攷景明二年召來功過詔永平四年十二月

進善退惡，治之通規。三載攷察政之明典，正始二年召來于今未攷，功過難齊，寧無昇降。從景明二年至永平四年通攷召聞。魏書宣武紀

許陳終德爲祖母持重詔永平四年十二月

嫡孫爲祖母禮令有據，士人通行。何勞芳致疑謗也。可如國子博士孫景邑所議。通典八十九魏書禮志四載此詔有號號

荅安定王變詔

一勞永逸，便可聽移。魏書安定王休附傳變爲華州刺史表移華州治馮翊詔云云

密遣中使詔于忠

永平中

比股肱穢落、心膂無寄、方任雖重、比此爲輕。故輶茲外任、委呂內務、當勤夙無怠稱朕所寄也。魏書于栗
碑附傳

詔田益宗

永平中

風聞卿息魯生在淮貪暴擾亂細民、又橫殺悔伏生爲爾不已、損
卿誠效可令魯生與使赴闕、當加任使、如欲外祿、便授中畿一郡。
魏書田益宗傳益宗襄老諸子及孫競規賄貨
部內咸言欲叛世宗詔之又見北史三十七
延昌元年四月丁卯

嚴敕立學成限詔

延昌元年四月丁卯

遷京嵩縣、年將二紀、虎闈闢鳴演之音、四門絕講誦之業、博士端
然虛祿歲祀、貴遊之胄、歎同子衿、靖言念之有兼愧慨、可嚴敕有
司國子學孟冬使成、大學四門、明年暮春令就魏書宣武紀

遣醫就治肆州傷民詔

延昌元年四月癸未

肆州地震陷裂、死傷甚多、言念毀沒、有酸懷抱亡者不可復追、生
病之徒、宜加療救、可遣太醫折傷醫并給所須之藥就治之。魏書
宣武

詔免盧昶官

延昌元年四月

駒山之敗傷損實深推始究末罪鍾元帥雖經大宥輕重宜別昶一人可召免官論坐自餘將統召下悉聽依赦復任魏書盧玄附傳駒山失利世宗遣黃門甄璞馳驍鎖盧根窮其敗狀語云云案此詔紀傳未載年月據文云雖經大宥知在四月乙酉大赦改年之後檢校艱倣詔延昌元年六月

去歲水災今春炎旱百姓饑餒救命靡寄雖經蠶月不能養續今秋輸將及郡縣期于責辦尚書可嚴勒諸州量民資產明加檢校召救艱倣魏書宣武紀

立皇太子恩賜詔

延昌元年十一月

朕運承天休統御宸宇太子體藉靈明肇建宮華明兩既孚三善方洽宜澤均率壤榮汎庶胤其賜天下爲父後者爵一級孝子順孫廉夫節婦旌表門閭量給粟帛魏書宣武紀

定攷格詔

延昌元年十二月

攷在上中者得汎已前有六年已上遷一階三年已上遷半階殘年悉除攷在上下者得汎已前六年已上遷半階不滿者除其得汎已後攷在上下者三年遷一階散官從盧昶所奏

魏書郭祚傳

又詔

獨著超倫及才備寡咎皆謂文武兼上下之極言耳自此已降猶有八等隨才爲次令文已具其積負累殿及守平得濟皆含在其中何容別疑也所云通攷者據總多年之言至于黜陟之體自依舊來年斷何足復請其罰贖已決之殿固非免限遇赦免罪惟記其殿者除之

魏書郭祚傳
北史四十三

水旱減降徒流已下詔

延昌二年八月

頃水旱互侵頻年饑儉百姓窘敝多陷罪辜煩刑之愧朕用懼矣其殺人掠賣人羣彊盜首及雖非首而殺傷財主曾經再犯公斷

道路劫奪行人者依法行決自餘恕死徒流已下各準減降

魏書宣武紀

聽高季賢赦後復仕詔

延昌二年秋

死者既在赦前又員外非在正侍之限便可悉聽復仕

魏書刑罰志

報李崇詔

延昌二年

卿居藩累年威懷兼賜資儲豐溢足制勦寇然夏雨汎濫斯非人
力何得至此辭解今水涸路通公私復業便可繕甲積糧脩復城
雉勢恤士庶務盡綏懷之略也

魏書李崇傳崇曰洪水爲災請罪解任世宗詔

地震寬刑詔

延昌三年正月

肆州秀容郡敷城縣雁門郡原平縣竝自去年四月召來山鳴地
震于今不已告謹彰咎朕甚懼焉祇畏兢兢若臨淵谷可恤瘼寬
刑召答災謹

魏書宣武紀

荅江式詔

延昌三年三月

可如所請，并就太常冀兼教人書史也。其有所須，依請給之。名目待書成重間。魏書江式傳式上表詔云云于是撰集字書號曰古其書竟未能成

贈高貞詔

延昌三年四月

故太子洗馬高貞器業始茂，方加榮級，而秀穎未實，奄馳夏采。今宅兆有期，宜蒙追陟，可特贈驥驥將軍營州刺史。呂旌既舊其墓次所須，悉仰本州營辦。高貞碑
拓本

宮臣直從詔

延昌三年

自今已後，若非朕手敕，勿令兒輒出宮臣在直者，從至萬歲門。

魏書

楊曄附傳清宗在懷抱之中，至于出入左右。

乳母而已不令宮寮聞知楊曄諫于是詔

清河王澤爲生母服詔

延昌三年

禮有從無服而有服，何但從輕而重乎。憚今自已厭故，不得申其過隙，覆臣古無疑厭之論，而有從輕之據，曷爲不得申其本制也。

可從尙書及景林等謹

魏書禮志四

又詔

比決清河國臣爲君母服期。召禮事至重，故追而審之。今更無正據，不可背章生條。但君服既促，而臣服仍遠，禮緣人情，遇厭須變。服可還從前判，既葬除之。

魏書禮志四

費羊皮張回事詔

延昌三年通典作景明中

羊皮賣女葬母孝誠可嘉，便可特原。張回雖買之于父，不應轉賣。可刑五歲。

魏書刑罰志又見通典一百六十七羊皮作羌皮一

宗室犯罪依常法詔

延昌三年通典作景明中

雲來縣遠繁衍世滋，植籍宗氏而爲不善，量亦多矣。先朝既無不訊之格，而空相矯恃，召長違暴，諸在議請之外。可悉依常法。

魏書刑罰志

志通典一百六十七

冊謚李謐詔

延昌四年

寢武帝

謚屢辭徵辟，志守冲素，儒隱之操，深可嘉美。可遠撫惠康，近準玄晏。謚曰貞靜處士，并表其門閭。已旌高節，遺詔者奉冊。魏書選士
李謚傳

官田益宗爲濟州刺史詔

延昌中

益宗先朝耆艾，服勤邊境，不可呂地須其人，遂令久屈，可使持節。鎮東將軍濟州刺史常侍如故。

魏書附
益宗傳

報田益宗上表自理詔

延昌中

既經大宥，不容方更爲獄。

魏書附
益宗傳

三藩妻從妃例詔

夫貴于朝，妻容于室，婦女無定。升從其夫，三藩既啟王封，妃名亦宜同等。妻者齊也，理與己齊，可從妃例。

魏書廣平王
洛侯附傳

賞封敕詔

權宜徵口，使人常體，但光揚有稱，宜賞一階。

魏書封
範附傳

報崔楷詔

頗旱水旱爲患黎民阻饑靜言念之曷不遑食鹽此事條溪協在處但計畫功廣非朝夕可合宜付外量聞

魏書崔鴻傳

詔崔鴻

聞卿撰定諸史甚有條貫便可隨成者送呈朕當于機事之暇覽之

魏書崔光附傳世宗聞崔鴻撰錄十六國春秋遣散騎常侍趙驥詔鴻

詔報甄琰

里正可進至勳品經途從九品六部尉正九品諸職中簡取何必
須武人也

魏書甄琰傳

監庫莫奚國交市詔

庫莫奚去太和二十一年召前與安營二州邊民參居交易往來
並無疑貳至二十二年叛逆召來遂爾遠竄今欲款附猶在塞表
每請入塞與民交易若抑而不許乖其歸向之心聽而不虞或有
萬一之警不容依先任其交易事宜限節交市之日州遣上佐監

之

魏書庫莫
奚國傳

賜奚康生棗柰果面敕

果者果如朕心棗者早遂朕意

北史三
十七

賜裴叔業璽書

景明元年正月

前後使返有敕想卿具一二寶眷昏狂日月滋甚虐逼宰輔暴加
威厲淫刑既逞朝無子遺國有瓦解之形家無自安之計卿兼茲
智勇深懼禍萌赫然高舉去彼危亂朕興居在念深嘉乃勲前卽
敕豫州緣邊諸鎮兵馬行往赴援揚大眼奚康生鐵騎五千星言
卽路彭城王勰尚書令肅精卒十萬絡繹繼發將已長驅淮海電
擊衝巫卿其并心戮力同斯大舉殊勤茂績職爾之由崇名厚秩
非卿孰賞并有敕與州佐吏及彼土人士其有微功片效必加褒
異

魏書裴
叔業傳

賜夏侯道遷璽書

正始元年閏十二月

得表具誠節之懷。卿忠義夙挺，期委自昔。中有書因，以致乖舛。知能乘機豹變，翻然改圖。獎率同心，萬里投順。遠舉漢中，爲開蜀之始。洪規茂略，深有嘉焉。今授卿持節散騎常侍平南將軍豫州刺史豐縣開國侯食邑一千戶，并同義諸人尋有別授。王師數道，給繹電邁，遣使持節散騎常侍都督征梁漢諸軍事鎮西將軍尚書邢巒指授節度，卿其善建殊效，稱朕意焉。魏書夏侯道遜傳

賜邢巒璽書

正始三年九月

知大龕醜虜威振賊庭，淮外霧披。徐方卷墻，王略遠恢。混一維始，公私慶泰。何快如之！賊衍此舉，實爲傾國。比者宿豫陷沒淮陽，嬰城凶狡，併張規抗。王旅將軍忠規協著火烈，霜摧電動。岱陰風埽，沂澤遂令逋誅之寇。一朝殲夷，元鯨大怒。千里折首，殊勳技捷。自古莫二，但揚區未安。餘燼宜盪，乘勝掎角。勢不可遺，便可率厲三軍。因時經略，申威東南。清彼江介，忘此仍勞。用圖永逸，進退規度。

委之高算

魏書邢
王勰傳

與彭城王勰書

太和二十三年十一月

恪奉辭暨今悲戀嗚咽歲月易遠便迫暮冬每思聞道奉承風敎父旣辭榮閑外無容頓違至德出蕃累朔荒馳實溪今遣王書劉道斌奉宣悲戀願父來望必當屆京展洩哀窮指不云遠

魏書彭城王勰傳

脩家人書與彭城王勰

恪言奉還告承猶執冲遜恪實閭寡政術多疵匡弼之寄仰屬親尊父德望兼重師訓所歸豈得近遺家國遠崇清尚也便望紓降時副傾注之心

魏書彭城王勰傳

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後魏文卷十終

全後魏文卷十一

烏程嚴

孝明帝

帝諱詒，宣武帝第二子。延昌元年立爲皇太子。四年正月卽位。
胡太后臨朝攝政。改元五熙平神龜正光孝昌武泰。在位十三
年。謚曰孝明皇帝。廟號肅宗。

依崔光請祫祭詔

延昌四年三月甲子

太常援引古今，並有證據可依。請

魏書禮志二任城王澄奏太常卿崔亮上言春秋七月應祫祭孝

行新政詔

延昌四年九月

高祖革禮成治，遺澤在民。世宗纂承不業，聖德昭遠。朕曰冲孺屬
當寶圖，洪基至重。若履冰薄，王公百辟，羣牧庶官，皆受遇先朝寵
榮。自昔宜各勉崇共康世道，戮力竭誠，㠭匡輔不逮。其有懷道丘

李明帝

全後魏文卷十一

園昧迹板築山棲谷飲舒卷從時者宜廣茭帛緝和鼎任有能讜言直諫濟世益時者在所召聞當待召不次之位孝子順孫義夫節婦表其門閭召彰厥美高年孤獨不能自存者贍召粟帛若因饑失業天屬流離或賣鬻男女召爲僕隸者各聽歸還比翼方未虛徐城寇擾將統久勞士卒疲敝竝遣撫慰賜召衣馬緣邊州鎮固捍之勞朔方酉庶北面所委亦令勞賚召副其心其有先朝舊事寢而不舉頃來便習不依軌式者竝可疏聞當加覽裁若益時利治不拘常制者自依別例其明相申約稱朕意焉魏書孝明紀
皇太后親覽

萬機詔
云云

憂旱詔

熙平元年五月

炎旱積辰苗稼萎悴比雖微澍猶未霑洽晚種不納企望憂勞在予之責思自兢厲尚書可釐恤獄犴察其淹枉簡量輕重隨事召聞無使一人怨嗟增傷和氣土木作役權皆休罷勸農省務肆力

出疇庶嘉澤近際豐年可必

魏書孝明紀

催遣傅豎眼救益州詔

熙平元年五月

比敕傅豎眼倍道兼行而猶未達可更遣尚書郎堪幹者一人馳

馳催遣庶令拔彼倒懸救茲危急

魏書元法僧傳

帝王墳陵勿聽耕稼詔

熙平元年八月

先賢列聖道冠生民仁風盛德煥乎圖史暨厥數永終迹隨物變
陵遂沓藹勒爲茂草古帝諸陵多見踐藉可明敕所在諸有帝王
墳陵四面各五十步勿聽耕稼

魏書孝明紀

報高昌王芻嘉求內徙詔

熙平初

卿地隔關山境接荒漠類請朝援徙國內遷雖來誠可嘉卽干理
未估何者彼之毗庶是漢魏遺黎自晉氏不綱困難播越成家立
國世積已久惡徙重遷人懷戀舊今若動之恐異同之變爰在財
腋不得便如來表

魏書高昌

全後魏文卷十一

報任城王澄今古錢通用詔

熙平初

錢行已久今東尚有事且依舊用

魏書食貨志

復戰沒兵士詔

熙平二年五月

揚州硃石荆山新淮鄧城兵士戰沒者追給斂財復一房五年若無妻子復其家一人二年身被三瘡賞一階雖一瘡而四體廢落者亦同此賞

魏書孝明紀

戚族在敘詔

熙平二年八月

皇魏開基道邁周漢蟬連二都德盛百祀雖帝崩蕃衍親賢並茂而猶沈屈素履巾褐衡門非所謂廣命戚族翼屏王室者也今可依世近遠故之列位

魏書孝明紀

月望親聽訟詔

熙平二年九月

察訟理冤實維政首躬親聽覽民信所由比日諒闇之中治綱未振獄犴繁廣嗟訴駭聞雖曰司存每多誣壅曾是寡德實深矜憫

自今月望當鑿出城闕親納滯枉主者可宣諸近遠咸使聞知書

李明
紀

北京未遷者聽仍停詔

熙平二年十月

北京根舊帝業所基南遷二紀猶有畱住懷本樂故未能自遺若未遷者悉可聽其仍停安堵永業門才術競應于時求者自別徵弘不在斯例周之子孫漢之劉族偏于海內咸致蕃衍豈拘南北千里而已哉

魏書孝

給老民郡縣板詔

神龜元年正月

朕沖昧撫運政道未康民之疾苦弗遑紀恤夙宵矜慨鑒寐深懷眷彼百齡悼茲六極京畿百年召上給大郡板九十召上給小郡板八十召上給大縣板七十召上給小縣板諸州百姓百歲召上給小郡板九十召上給上縣板八十召上給中縣板鰥寡孤獨不能自存者給粟五斛帛二匹

魏書孝

明紀

輕囚減等詔

神龜元年八月癸丑朔

朕沖昧纂承未開政道皇太后殷憂在疚始覽萬幾故獄犴淹枉百姓冤讐言念繁刑思存降省京師見囚殊死臣下可悉減一等

魏書孝

明紀

居喪不從役詔

神龜元年

頃年召來戎車頻動服制未終奪哀從役罔極之痛弗申鞠育之恩靡報非所謂敦崇至道者也自今雖金革之事皆不得請起居喪

魏書孝

崇憲太后服詔

神龜元年九月

崇憲皇太后德協坤儀徵符月晷方融臺化奄至崩殂朕幼集荼蓼夙憑德訓及戢蔬定難是賴謀謀夫禮治情制義循事立可特爲齊衰三月召伸追仰之心

魏書禮志四
通典八十

旌異盧元禮妻李氏詔

神龜元年

孔子稱毀不滅性蓋爲其廢卷絕類也李旣非嫡子而孝不勝哀
雖乖依就而志厲義遠若不加旌異則無勸引澆浮可追號曰貞

李女宗易其里爲孝德里

魏書列女盧元禮妻李氏傳

乾脯山呂西爲九原詔

神龜元年十二月

民生有終下歸兆域京邑隱賑口盈億萬貴賤攸憑未有定所爲

民父母尤宜存恤今制乾脯山

呂西擬爲九原

魏書孝明紀

皇太后稱詔詔

神龜二年正月

朕昌沖眇慕承寶位夙夜惟寅若涉淵海賴皇太后慈仁被

訓自臨朝踐極歲將半紀天平地成四海寧乂天道高遠巍巍難

名猶昌揚挹自居稱號弗備非所昌崇奉坤元允協億兆者也宜

遵舊典稱詔宇內昌副黎烝元元之望

魏書孝明紀

改葬文昭高太后詔

神龜二年正月

文昭皇太后德協坤儀美符文姒作合高祖實誕英聖而夙世淪

暉孤塋弗祔先帝孝感自衷遷奉未遂永言哀恨義結幽明廢呂尊薄禮伸漢代魏書孝文昭后高氏傳

又詔

文昭皇太后尊配高祖祔廟定號促令遷奉自終及始太后當主可更上尊號稱太皇太后曰同漢晉之典正姑婦之禮廟號如舊文昭遷靈輶于長陵兆西北六十步魏書孝文昭后高氏傳

雩祈詔

神龜二年二月

寅辰要之月時澤弗應嘉穀未納三麥枯悴德之無感歎懼兼懷可敕内外依舊雩祈率從祀典察獄理冤掩骼埋骼冀瀛之境往經寇暴死者既多白骨橫道可遣專令收葬賑窮恤寡救疾存老準訪前式務令周備魏書孝明紀

荅肅寶齋詔

神龜二年夏

禮樂之事蓋非常人所明可如所奏

魏書宋志

處決劉輝事詔

神龜中

容妃慧猛怒死，髡鞭付宮，餘如奏。

魏書刑罰志通典一百六十七
南陵公主駙馬都尉劉輝坐與

河陰縣民張智壽妹容妃陳慶和妹慧猛各亂職主傷治羅懼罪逃亡門下處容妃慧猛各入死刑智壽慶和竝召知情不加防限處旨流

坐詔云云

又詔

輝悖法亂理，罪不可縱。厚賞懸募，必望擒獲。容妃慧猛與輝私亂，因此耽惑，主致非常。此而不誅，將何懲肅？且已醜之女，不應坐及昆弟。但智壽慶和知妹姦情，初不防禦。招引劉輝，共成淫醜，敗風穢化。理湊其罰，特敕門下結獄，不拘恆司。豈得一同常例，已爲通準？且古有詔獄，寘復一歸大理，而尙書治本，納言所屬，弗究悖理之淺深。不詳損化之多少，違彼義途，苟存執憲，殊乖任寄。溪合罪責，崔纂可免。郎都坐尙書悉奪祿。一時魏書刑罰志門下處奏劉輝事語如奏尙書三公郎

中崔纂執不至尙書元脩義右僕射游肇各奏請更議詔云云又見通典一百六十七

釋奠詔

正光元年正月

建國緝民立敎爲本尊師崇道茲典自昔來歲仲陽節和氣潤釋奠孔顏乃其時也有司可豫繕國學圖飾聖賢置官簡牲擇吉備禮魏書孝明紀

旱災申因枉濫詔

正光元年五月辛巳

朕日寡薄運膺寶圖雖未明求衣惕懼終日而闇昧多闢炎旱爲災在予之愧無忘寢食今刑獄繁多囹圄尚積宜敷仁惠以濟斯民八座可推鞠見四務申枉濫魏書孝明紀

旱災理冤獄詔

正光元年五月癸未

擢災招應脩政爲本民乃神主實宜率先刺史守令與朕共治天下宜哀矜勿喜視民如傷況今炎旱歷時萬姓彫敝而不撫恤窮冤理決庶獄可嚴敕州郡善加綏隱務盡聰明加之祗肅必使事允人神時致靈應其賦役不便于民者具呈狀聞使當蠲罷魏書孝明紀

紀

封阿邢瓌爲蠕蠕王詔

正光元年十一月

蠕蠕世雄朔方擅制漠裔鄰邇上國百有餘載自神鼎南戾累紀于茲虔貢雖違邊燧靜息憑心象魏潛款彌純今其主阿邢瓌屬離時難邦分親折萬里遠馳庶命有道悲同申伍忠孝足矜方存興滅之師已隆繼絕之舉宜且優召賓禮期之立功疏爵祚土大啟河岳可封朔方郡開國公蠕蠕王食邑一千戶錫召衣冕加召

輶車祿恤儀衛同乎威著

魏書孝明紀

答張普惠諫送阿邢瓌還國詔

正光元年十二月

夫窮鳥歸人尙或與惻況邢瓌嬰禍流離遠來依庇在情在國何容弗矜且納亡與喪有國大義皇魏堂堂益廢斯德後主亂亡侶當非謬此送彼迎想無拒戰國義宜表朝算已決卿漢誠厚慮朕用嘉哉但此段機略不獲相從脫後不逮勿憚匡言

魏書張普惠傳
謂詔遣楊鈞

送蠕蠕主阿那瓌還國

普惠上疏諫云云詔答

護送阿那瓌還國詔 正光元年十二月

蠕蠕王阿那瓌遭離寇禍遠來投庇邦分眾折猶無定主而永懷
北風思還綏集啟疏情切良用愍然夬存亡恤改自古通典可差
國使及彼前後三介與阿那瓌相隨并敕懷朔都督簡銳騎二千
羽自率護送達境首令觀機招納若彼俟迎宜錫筐篚車馬之屬
務使優隆禮儀而返如不容受任聽還闕其行裝資遣付尙書量

給魏書孝

明紀

得蠕蠕使者牒詔 正光二年二月

舊經蠕蠕使者牒云具仁往喻婆羅門述阿那瓌復藩之意婆羅
門殊自驕慢無遙遵之心責具仁禮敬具仁執節不屈婆羅門遣
文官莫何去汾俟斤已升頭六人將兵二千隨具仁迎阿那瓌

魏書

蠕蠕傳

優禮江陽王繼詔

正光二年四月

至節嘉辰、禮有朝慶、親尊或老、理宜優異。王位高年宿可、依齊郡王簡故事、朝訖引坐、免其拜伏。

魏書京兆王黎附傳

憂旱詔

正光二年七月

時震弗降、禾稼形損、在于之責、夙宵震懼。克躬撤降、仍無招感、有司可脩案舊典、祇行六事、固犴淹枉、隨速鞠決、庶尹廢職、量加脩厲、鑑獨困窮、在所存恤、役賦煩民、咸加蠲省、賢良謙直、呂時升進貪殘邪佞、卽就屏黜、男女怨曠、務令會偶、庶革止愆違、有弭災

沴

魏書孝明紀

詔蠕蠕主阿那瓌

孝昌三年四月

北鎮羣狄、爲逆不息、蠕蠕主爲國立忠、助加誅討、言念誠心、無忘寢食、今知停在朔垂、與余朱榮鄰接、其嚴勒部曲、勿相暴掠、又近得蠕蠕主啟、更欲爲國東討、但蠕蠕主世居北漠、不宜炎夏、今可

且停聽待後敷

魏書蠻傳

祈雨詔

正光三年六月

朕召沖昧夙纂寶厥不能祗奉上靈感延和氣致令炎旱頻歲嘉
雨弗洽百稼憔萎晚種未下將成災年秋稔莫覩在予之責憂懼
震懷今可依舊分遣有司馳祈嶽瀆及諸山川百神能興雲雨者
盡其虔肅必令感降玉帛牲牢隨應薦享上下羣官側躬自厲理
冤獄止土功減膳撤懸禁止屠殺

魏書孝明紀

班宣正光麻大赦詔

正光三年十一月

治麻明時前王茂軌攷辰正律奕代通規是日北平革定于漢年
揚偉草算于魏世自皇運肇基典章猶缺推步晷曜未盡厥理先
朝仍世每所慨然至神龜中始命儒官改曆疏疎回度易憲始會
璇衡今大正斯始陽煦將開品物初萌宜變耳目所謂魏雖舊邦
其麻維新者也便可班宣內外號曰正光麻又首節嘉辰獲辰上

祐，神人交和，理契幽顯，思與億兆共此維新，可大赦天下。魏書孝明紀

詔中尉

正光三年十二月

中尉端衡肅厲威風，已見事糾劾七品六品，祿足代耕，亦不聽錮貼店肆，爭利城市。

魏書孝明紀

報崔光乞劉曄子孫免役詔

正光四年七月

曄德冠前世，蔚爲儒宗。太保啟陳溪合勸善，其孫等三家，特可聽免。

魏書劉曄傳

年滿七十得與鉉敍及解官給半祿詔

正光四年七月

達尊斯在齒豫一焉，崇敬黃耇，先代通訓，故方叔召元老處位充國緣自彊見留，雖七十致仕，明乎典故，然已德尙壯，許其繁縝。今庶寮之中，或年迫懸車，循禮宜退，但少收其力，老棄其身，言念勤舊，睠然未忍，或戴白在朝，未當外任，或停私廩紀甫，受考級如此之徒，雖滿七十，聽其莅民。已終常限，或新解郡縣，或外佐始停，已

滿七十方求更敘者，吏部可依令不奏。其有高名俊德，老成髦士，灼然顯達，爲時所知者，不拘斯例。若才非秀異，見在朝官，依令合解者，可給本官半祿。官終其身，使辭朝之叟，不恨歸于閭巷矣。

魏書

孝明紀

賑恤北垂遭寇詔

正光四年八月己巳

狂蠻肆暴，陵竊北垂。雖軍威時接，賊徒懼遁，然獯虐所過，多離其禍。言念斯敝，有軫深懷，可敕北道行臺，遣使巡檢遭寇之處，飢餓不粒者，厚加賑恤，務令存濟。

魏書孝明紀

災異脩省詔

正光四年八月戊寅

朕呂眇闇，忝承鴻緒，因祖宗之基，託王公之上，每鑒寐屬慮，思康億兆，比雨旱愆時，星運舛錯，政理闢和，靈祇表異，永尋夕惕，載恧于懷。宜詔百司，各勤厥職，諸有纖寡窮疾，冤滯不申者，並加釐恤。若孝子順孫，廉貞義節，才學超異，獨行高時者，具言上聞。朕將親

覽加呂旌命

魏書孝明紀

議討破落汗拔陵詔

正光五年五月壬申

朕比召鎮人構逆，登遣都督臨淮王剋時除翦，軍屆五原，前鋒失利。二將殞命，兵士挫衄，又武川乖防，復陷凶手，恐賊勢浸淫，寇連

恆朔，金陵在波，夙夜憂惶，諸人宜陳良策。

魏書李崇傳
北鎮破落汗

拔陵反臨淮王剋改于五原安北將軍李叔仁敗于白道詔引丞相令撫尚書侍中黃門于頭陽殿詔云云

又詔

去歲阿那瓌叛逆，遣李崇令北征。崇遂長驅塞北，返旆榆關。此亦一時之盛。崇乃上表求改鎮爲州，罷削舊貫。朕于時已舊典難革，不許其請。尋李崇此表，聞諸鎮非異之心，致有今日之事。但既往難追，爲復略論此耳。朕召李崇圖威望重，器識英斷，意欲還遣崇行總督三軍，揚旌恆朔，除拔羣盜，諸人謂可爾。曰不。

魏書李崇傳

免軍貫爲民召討，莫折念生詔

正光五年八月

賞賚宿勞明主恆德恩沾舊績哲后常範太祖道武皇帝應期撥亂大造區夏世祖太武皇帝纂戎丕緒光嗣王業躬率六師埽清通穢諸州鎮城人本充牙爪服勤征旅契闊行開備嘗勞勦逮顯祖獻文皇帝自北被南淮海思又便差割彊族分衛方鎮高祖孝文皇帝遠遁盤庚將遷嵩洛規遏北疆瀕關南境選良家酋帥增戍朔垂戎捍所寄實惟斯等先帝召其誠效既亮方加酬錫會宛郢馳烽、朐泗告警軍旗頻動兵連積歲茲恩仍寢用迄于今怨叛之興頗由于此朕叨承乾厯撫馭宇宙調風布政思廣惠液宜追述前恩敷茲後施諸州鎮軍貫元非犯配者悉免爲民鎮改爲州依舊立稱此等世習干戈率多勁勇今旣甄拔應思報效可三五簡發討彼沙隴當使人濟其力奮擊先鋒妖黨狂醜必可蕩滌衝鋒斬級自依恆錄書孝明紀

咸陽京兆二王諸子聽附屬籍詔正光中

周德崇厚，蔡仲享國，漢道仁恕，淮南畢王皆所呂申恩懿，蒙溫舊釁。義彰饗榮，詠流前史。頃者咸陽京兆王自貽禍敗，事由間惑，猶有可矜。爾門諸子，竝可聽附屬籍。魏書成陽王禧附傳

崔光伯申代詔

光伯自莅海沂，清風遠著，兼其兄光詔復能辭榮侍養，兄弟忠孝，宜有甄錄。可更申三年，召厲風化。魏書崔亮附傳亮從父弟光伯除北海太守有司召其更漏依例

何泰代

廣宗詔

攷課詔

孝昌元年二月

勸善黜惡，經國茂典。其令每歲一終，郡守列令長，刺史列守相已定，攷課辨其能否。若有濫謬，召攷功失喪。諭

魏書孝明紀

改州郡上司徒公文爲上相府詔

孝昌元年三月

丞相高陽王道德淵廣，明允篤誠，儀形太階，垂風下國。實所召予違汝弼，致治責成，宜班新制，宣之遐邇。其州郡先上司徒公文悉

可改上相府施行符告皆亦如之

魏書孝明紀

令一品至五品各舉所知詔

孝昌元年三月甲戌

選眾而舉其來自昔朕繼承大業綜理萬幾求賢政治心焉若渴知人則哲振古所難宜博訪公卿采茲聲實可令第一品呂下五品呂上人各薦其所知不限素身居職必使精辯器裁具注所能然後依牒簡擢隨才收敘庶濟濟之美無替往時眷眷之直有申茲歲

魏書孝明紀

追削劉騰爵位除元又名爲民詔

孝昌元年四月辛卯皇太后復臨朝攝政

朕已寡昧夙承天祐茫若涉海固知所濟寔憑宗社降祐之靈庶勉幼志已康世道而神龜之末權臣擅命元又劉騰陰相影繆遂使皇太后幽隔後宮太傅清河王無辜致害相州刺史中山王臨橫被夷滅右衛將軍奚康生仍見誅翦從此已後無所畏忌恣諸侵求任所與奪無君之心積習稍久不臣之迹緣事彌彰蔽耳目

之明專生殺之柄天下爲之不康四郊由茲多墮此而可忍孰不可懷雖屢經赦宥未容致之于法猶宜辨正日謝朝野騰身既往可追削爵位又之罪狀誠合微繩但呂宗枝舊咸特加全貸可除名爲民魏書孝明記

削黜侯剛詔孝昌元年

剛因緣時會恩隆自久擢于凡品越昇顯爵往呂徵勤賞同利建寵靈之極超絕夷等曾無大馬識主之誠方懷梟獍返噬之志與權臣元又婚姻朋黨虧違典制長直禁中一出一人送爲姦防又與劉騰共爲心膂間隔二宮逼脅內外且位居繩愆糾察是司宜立格言勢同鷹隼方嚴楚捷枉服貞良專任兇威百直爲曲不忠不道深暴民聽附下罔上事彰幽顯莫大之罪難從宥原封爵之科理宜貶奪可征虜將軍餘悉削魏書侯剛傳

封鹿悆爲定陶縣子詔孝昌元年六月

日者法僧父子頑固自天長惡不已竊城外叛職此亂階遂使彭
宋名藩誠爲賊有雖宗臣名將揮戈于泗濱虎士雄卒竦効于汁
渚然高墉峻堞非可易登廣渙深隍實爲難踐是用日昃忘食中
宵憤惋者也而衍都督豫章王蕭綜體運知機欲歸有道潛遣密
信送款于都督臨淮王子時事同夜光能不案劍殿中侍御史監
軍鹿悆不憚虎口視險若夷便能占募入驗虛實誓盟既固所圖
遂果返地復城息我兵甲亦是念之力焉若不酬召榮祿何召勸
厲將來可封定陶縣開國子食邑三百戶除員外散騎常侍

魏書
余

傳蕭綜降
詔云云

翰敏功臣子孫詔

孝昌元年九月

追功表德爲善者勸祖宗功臣勒銘王廟而子孫廢替淪于凡民
爵位無聞遺流有失顯川名守重臣令宰惠風美政結于民心而
猶同常品未蒙褒陟非所謂愛及甘棠舞倫攸敎者也其功臣名

將爲先朝所知子孫屈塞不見齒敘牧守令長聲稱卓然者皆仰
有司具曰名聞朕將振彼幽滯用關治風魏書孝明紀

親老聽居官祿養詔

孝昌元年十一月

大孝榮親著之昔典故安平耄耋諸子滿朝自今諸有父母年八十
上者皆聽居官祿養溫清朝夕魏書孝明紀

出師詔

孝昌元年十二月

高祖呂大明定功世宗呂下武盛亂聲溢湖南化清中宇業盛隆
周祚延七百朕幼齡纂厥夙馭鴻基戰戰兢兢若臨淵谷閑于治
道政刑未孚權臣擅命亂我朝式致使西秦跋扈朔漠構妖蠭爾
荆蠻氛埃不息孔熾甚于涇陽出軍切于細柳而師旅盤桓阻滯
不進北清懸危南陽告急將虜荆河之地呂致蹙國之憂今茅轂
朕將躬馭六師埽蕩逋穢其配衣六軍分隸熊虎前驅後隊左翼

右師必令將帥雄果、軍吏明濟、糧仗車馬速度時須。其有失律亡軍、兵戍逃叛、盜賊劫掠、伏鼠山澤者，免其往咎，錄其後效，別立募格，聽其自新。廣下州郡，令赴軍所。今先討荆蠻，疆理南服，戈旗東指，埽平淮外，然後奮七萃于西戎，騰五牛于北狄，躬撫亂離之苦，而恤飢寒之患。爾乃還蹕嵩宇，飲至廟庭，沈璧河洛，告成泰岱。豈不盛歟！百官內外，牧守軍宰，宜各肅勤，用明爾職。魏書孝明紀

詔高陽王雍

孝昌初

比相府弗開陰陽未變，王秉哲居宗勳，望隆重道庇蒼生，威被華裔，體國猶家匪躬在節，可開府置佐史。

魏書高陽王雍傳

改封東平王略

孝昌二年六月丙子

昔劉蒼好善，利建東平。曹植能文，大啟陳國。是用聲彪磐石，義鬱維城。侍中義陽王略，體自蕃華，明勳夙著，內潤外朗。兄弟偉如，既見義忘家，捐生殉國，永言忠烈，何日忘之。往雖弛擔爲梁，今便言

旋詣闕。有志有節，能始能終。方傳美丹青，懸諸日月。略前未至之日，卽心立稱，故封義陽王。然國邊地，寓食他邑，求之二三，未爲盡善。宜比德均封，追芳曩烈，可改封東平王。戶數如前。

洛陽伯
藍記

募士詔

孝昌二年六月戊子

自運屬艱棘，歷載于茲。烽驛交馳，旌鼓不息。祖宗盛業，危若輶旒。社稷鴻基，始將淪墜。朕威德不能遐被，經略無日及遠。俾令蒼生罹此塗炭，何忍苟安黃屋，無愧黔黎。今使遊居正殿，蔬餐素服，當親自招募，收集忠勇，共有一言正諫之士，敢以徇義之夫。二十九日，悉集華林東門，人別引見，共論得失。班告內外，咸使聞知。

魏書
孝明

聽宗室子女離絕詔

孝昌二年閏十一月

頃舊京淪覆，中原喪亂。宗室子女，屬籍在七廟之內，爲雜戶監門所拘辱者，悉聽離絕。

魏書
孝明

輸粟授官詔

孝昌三年二月

關隴遭罹寇難，燕趙賊逆憑陵，蒼生波流，耕農廢業，加諸轉運勞役已甚。州倉儲實無宜懸匱，自非開輸賞之格，何以息遭運之煩。凡有能輸粟人瀛定岐雍四州者，官斗二百斛賞一階，入二華州者五百石賞一階，不限多少。粟畢授官。

魏書孝
明紀

答高謙之詔

此啟溪會朕意，付外量聞。魏書高謙之傳，謙之上疏乞新舊百姓

召毛鴻賓爲北雍刺史詔

此召晝錦榮卿也。

北史四十九毛遐傳改北地郡爲北雍州鴻賓爲刺史詔

賜進士出身二品銜廣東等處提刑按察使司按察使兼督理舊事務閩王毓藻校刊

全後魏文卷十一 終

全後魏文卷十一

孝明帝

十四

全後魏文卷十二

烏程嚴可均校輯

孝莊帝

帝諱子攸。彭城王勰第三子。孝昌二年封長樂王。武泰元年四月卽位。改元建義。其年九月改元永安。在位三年。爲爾朱兆所廢。尋遇弑。中興二年。謚曰武懷皇帝。大昌元年改謚孝莊廟號。敬宗。

大赦改元詔。建義元年四月辛丑。

太祖誕命應期。龍乘燕代。累世重光。載隆帝統。冀欲闢茲洪業。永在無窮。豈圖多難。遘茲百六。致使妖悖四起。內外競侵。朝無恤政之臣。野多怨酷之士。實山女主專輒。致茲顛覆。孝明皇帝天情沖順。溪存隱忍。奄棄萬國。眾用疑焉。苟求胡出。入守神器。凡厥有心。莫不不解體。太原王榮世抱忠孝功格古今。赴義晉陽。大會河洛。乃

推翼朕躬、應茲大命、德謝少康、道愧前繙。猥冒眇身、君臨萬國、如涉淵海、罔知所濟。可大赦天下、改武泰爲建義元年、從太原王督將軍士普加五階、在京文官兩階、武官三級、復天下租役三年。魏書紀

紀

荅余朱榮乞贈河陰死者詔

建義元年四月壬寅

覽表不勝頓塞、朕德行無感、致茲酷懲、尋繹往事、實切于懷、可如所表。

魏書余朱榮傳

親理冤獄詔

建義元年五月

自孝昌之季、法令昏泯、懷忠守素、擁隔莫申、淡怨宿憾、控告靡所。其有事在通途、橫被疑異、名例無爽、枉見排抑、或選舉不平、或賦役煩苛、諸如此者、不可具說。其有訴人經公車注不合者、悉集華林東門、朕當親理冤獄、召申積滯。

魏書孝紀

討葛榮詔

建義元年六月

朕將親馭六戎，靖淨燕岱。大將軍太原王余朱榮率精甲十萬爲左軍，上黨王天穆總眾八萬爲前軍。司徒公楊椿勒兵十萬爲右軍。司徒公穆紹統卒八萬爲後軍。魏書李建

昌余朱榮爲柱國大將軍詔

建義元年七月乙丑

乾坤統物，星象贊其功。皇王御運，股肱匡其業。是昌周道中興，齊晉立濟世之忠。殷祚或虧，彭岸振救時之節。自前朝失御，厄運荐臻。太原王榮爰戴朕躬，推臨萬國。勲踰伊霍，功格二儀。王室不壞，伊人是賴。可封柱國大將軍兼錄尚書事。餘如故。魏書余朱榮傳

下羊溪詔

建義元年八月

羊侃作逆，羣起取丘，擁集不逞，扇擾疆場。傾宗之禍，侃乃自貽。累世之節，一朝毀汙。羊溪血誠奉國，秉操罔貳。聞弟猖勃，自効請罪。此之丹款，實戢于懷。且叔向復位，春秋稱美。溪之慷慨氣同古人，忠烈遠彰。赤心已著，可令還朝而受委歛。魏書羊溪傳余朱榮傳昌第七弟侃爲

太山太守外託蕭衍溪在彭城得侃

書斬侃使人井書表聞第帝乃下詔

加蠕蠕主阿那瓌殊禮詔

建義初

夫勸高者賞重德厚者名隆蠕蠕主阿那瓌鎮衛北藩禦侮朔表
遂使陰山息警弱水無塵刊迹狼山銘功瀚海至誠既篤勤緒莫
輒故宜標目殊禮何容格目常式自今目後謹拜不言名上書不
稱臣魏書蠕

呂余朱榮爲大丞相詔

永安元年九月辛巳

功格天地錫命之位必崇道濟生民愛賞之名宜大是目有莘莘
毫不次之號爰歸渭叟翼周殊世之班載集況導源積石襲構岷
山門踵英猷鵠成鴻業抗高天之摧柱振厚地之絕維德冠五侯
勦高九伯者哉太原王榮代荷華龍世載忠烈人匡頽邁出勑元
兇使積年之霖條焉滌蕩數載之塵一朝清謐燕恆旣泰趙魏還
蘇比績況功古今莫二若不式稽舊典增是禮數將何目昭德報

功遠明國範可大丞相都督河北畿外諸軍事增邑一萬戶通前
三萬餘官悉如故

魏書介朱榮傳

梁北史

邢劭傳

永安初

累遷

太子亦有將子昇高道穆作者

無從

分別

今仍錄爲孝莊文

中書侍郎所作詔文體宏麗馳永安詔乃邢性

介朱榮進位太師詔

永安元年十月戊戌

我皇魏道契神元德光靈範源先二象化穆三才玉麻與日月惟
休金鼎共乾坤俱永而正光之末皇運時屯百揆咸亂九宮失敍
朝野撫膺士女嗟怨遂使四海土崩九區瓦解逆賊杜周虔劉燕
代妖寇葛榮假噦魏趙常山易水戎鼓夜驚冰井叢臺胡塵薈合
胡南久已丘墟河北殆成灰燼宗廟懷匪安之慮社稷急不測之
憂大丞相太原王榮道鏡城中德光區外神昭藏往思實知來義
踵先勳忠資義烈遂能大建義謀收集忠勇熊羆競逐虎豹爭先
軒翥南溟搏風北極氣震林原勢動山岳弔民伐罪蟻此蘇綱戮
卒多于長平積器高于熊耳秦晉聞聲而喪膽齊莒側聽而警息

中興之業是乎再隆太平之基誠焉更始雖復伊霍宣翼之功桓文崇贊之道何足已勞勦鴻蹤比勤盛烈道格普天仁沾率土振古已來未有其比若不廣錫山河大開土宇何曰表大義之崇高標盛德之廣遠可㠭冀州之長樂相州之南趙定州之博陵滄州之浮陽平州之遼西燕州之上谷幽州之漁陽等七郡各萬戶通前滿十萬戶爲大原國邑又進位太師餘如故魏書余朱榮傳

詔報臨淮王彧

永安二年二月

文穆皇帝勳格四表道邇百王是用攷循舊軌恭上尊號王表云漢大上于香街南顧于春陵漢高不因瓜瓞之緒光武又無世及之德皆身受符命不由父祖別廟異寢于理何差文穆皇帝天賜人宅麻敷有輔朕忝承下武遂主神器既帝業有統漢氏非倫若已昔況今不當移般則魏太祖晉景帝雖王迹已顯皆召人臣而終豈得與餘帝別廟有關餘序漢郡國立廟首欲尊高祖之德使

餐遍天下非關太廟神主獨在外祠。漢宣之父亦非勳德所出，雖不追尊，不亦可乎。伯考之名，自是臣卑之稱，何必準古而言。非類也。復云君臣同列，嫂叔共室，當曰文穆皇帝普遂臣道。自此爲疑禮。天子元子猶士，祔祫豈不得同室乎？且晉文景共爲一代，講者云世限七，主無定數，昭穆既同，明有共室之理。禮既有祔，嫂叔何嫌？禮士祖廟一廟，豈無婦舅共室也？若專曰共室爲疑，容可更議遷殿。魏書臨淮王嘯傳：此帝追尊武宣王爲文穆皇帝廟號。溫祖曰：高祖爲伯考，與其妻李氏同祔。尚書李神儻竝用表聞。謂報曰：余朱榮爲天柱大將軍詔。永安二年七月壬申。

周武奉時藉十亂，召纂厥漢祖先天資三傑，召除暴理民濟治斯道，未爽使持節柱國大將軍大丞相太原王榮祐伏風煙抱舍日月，總奇正以成術，兼文武而爲資。昔處亂朝，韜光戢翼，秣馬冀北，厲兵晉陽。佇龍顏而振腕，想日角以歎息，忠勇奮發，虎士如林，義功始立，所向風靡，故能芟夷羣惡，振此烈綱，俾朕寡昧，獲承鴻緒。

全後魏文卷十二

孝文帝

四

雖大位克正，而眾盜未息。葛榮跋扈，仍亂中原。建旗伐罪，授首殲
敵。元顥凶頑，構成巨釁。阻弄吳楚，虧汗宗社。朕徒御北徂，劬勞鞍
甲。王聞難星奔，一舉大定。下治民和，上匡王室。鴻勳丘績，書契所
未紀。欲至策勳，事絕于比。況非常之功，必有非常之賞。可天柱大
將軍。此官雖訪古無聞，今員未有。太祖已前，增置此號，式遵典故。
用錫殊禮，又宜開土宇，可增封十萬。通前二十萬，加前後羽葆鼓
吹，餘如故。

魏書余宋榮傳

允揚椿致仕詔

永安二年八月甲戌

椿國之老成，方所尊尚。遂曰高年，願言致化。顧懷舊德，是臣未從。
但告謁頻煩，解理彌固。百茲難奪，又所重違。今便允其雅志，可服
侍中朝服，賜服一具。衣一襲，八尺牀帳，几杖不輒乘。安車駕駒馬，
給扶。傳詔二人，仰所在郡縣。時已禮存問安否，方委詢訪，貞用憮

然。

魏書楊

詔答元子思

國異收不可據之古事付司檢高祖舊格推處得失召聞魏書宗
思傳又見北史十
五通典二十四

令高道穆總集祕書日錄詔

秘書圖籍所在內典口書又加繕寫緇素委積蓋有年載出內策
甚多致零落可令御史中尉兼給事黃門侍郎道穆總集帳目并
牒儒學之士編比次第魏書高
崇附傳

敕侍中元祉建義元年四月

宗室喪亡非一不可周贍元僕射清苦之節死乃益彰特贈緋百
匹餘不得爲例魏書任城王附傳元順遇害家徒四壁無物殆是
門下通事令吏王才裂裳覆之莊帝還宮敕侍中

喻旨余朱榮

帝王迭襲盛衰無常既屬屯運四方瓦解將軍仗義而起前無橫

祉

陳此乃天意非人力也。我本相投規存性命，帝王重位，豈敢妄希。
直是將軍見逼權順所請耳。今聖運已移，天命有在，宜時卽尊號。
將軍必若推而不居，存魏社稷，亦任更擇親賢，共相輔護。（魏書余榮傳）
榮還帝于河橋至夜四更中復奉帝南還營幕帝憂憤無計乃令人喻旨于榮

前廢帝

帝諱恭，字修業，廣陵王羽之子。呂長廣王建明二年二月受禪卽位，改元普泰。其明年四月爲高歡所廢。太昌初崩，諡曰節。

閉帝

荅羣臣勸進

建明二年二月己巳

自量眇身，是已讓執。然王公勤至，不可拒遠。今敬承所陳，惟愧弗堪負荷耳。

魏書余榮傳

大赦改元詔

普泰元年二月己巳

朕已寧薄撫臨萬邦，思與億兆同茲慶泰，可大赦天下。呂魏爲大

魏改建朔二年爲普泰元年其稅市及稅鹽之官可悉廢之百雜
之戶貨賜民名官任仍舊天下調絹四百匹內外文武普汎四
附合敘未定第者亦沾級除名免官者特復本資品封依舊前麻
書

改皇帝稱帝詔

普泰元年二月庚午

朕日眇身臨王公之上夕惕祇懷若履冰谷賴七廟之靈百辟忠
誠之舉庶免墮及夫三皇稱皇五帝云帝三代稱王迭沖挹也自
秦之末競爲皇帝忘負乘之深殃垂貪鄙于萬葉予今稱帝已爲
衰矣可普告令知魏書前
廟帝紀

追贈余朱榮假黃鉞相國司州牧詔

普泰元年三月

故使持節侍中都督河北諸軍事天柱大將軍大丞相太師領左
右兼錄尚書北道大行臺太原王榮功濟區夏誠貫幽明天不憐
遺奄從物化追終褒績列代通謨紀德銘勳前王令範可贈假黃

鐵相國錄尙書事司州牧使持節侍中將軍王如故

魏晉余
朱榮傳

追封余朱榮晉王加九錫詔

故假黃鉞持節侍中相國錄尙書都督中外諸軍事天柱大將軍
司州牧太原王榮惟岳降靈應期作輔功侔伊霍德契桓文方藉
棟梁永康國命道長運短震悼兼深前已襄壘用彰厥美然禮數
弗窮文物有闕遠近之望猶或未盡宜循舊典更加殊錫可追號
爲晉王加九錫給九旒鑾輅虎賁班劍三百人輶轎車準晉太宰
安平獻王故事謚曰武同上

余朱榮配享高祖廟庭詔

武泰之末乾樞中圮不甚寶命有若縗縲晉王榮固天所縱世秉
忠誠一匡邦國再造區夏俾我頑綱于斯復振雖勳銘王府德被
管絃而從祀之禮于茲尙闕非所已酬懋賞于當時騰殊績于不
朽宜遵舊典配享高祖廟庭同上

沙汰之徒預參選限詔

齊泰元年三月戊戌

頃官方失序、仍令沙汰定員簡牘、已有判決、退下之徒、微尔可愍、
諸在簡下、可特優一級、皆授將軍預參選限、隨能補用、

魏書前廢帝紀

標榜刁思遵妻魯氏詔

晉泰初

貞夫節婦、古人同尚、可令本司依式標榜、

魏書列女傳

後廢帝

帝諱朗、字仲哲、章武王融第三子、長廣王歿、建明二年正月爲渤海太宗、其年十月爲高徵所擁立、改元中興、其明年四月廢、五月封安定王、

禁虛增官號詔

中興元年十一月

王度刲開、彝倫方始、所班官秩、不改舊章、而無識之徒、因茲僥倖、謬增軍級、虛名顯位、皆言前朝所授、理難推抑、自非嚴爲條制、無呂防其僞竊、諸有虛增官號、爲人發糾、罪從軍法、若八格檢覈無

名者退爲平民終身禁錮

魏書後廢帝紀

糾罰郡縣漁獵詔

中興二年正月

自中興草昧典制權輿郡縣之官率多行督假有正者風化未均
眷彼周餘專爲漁獵朕所曰夙興夜寐有惕于懷有司明加糾罰
稱朕意焉

魏書後廢帝紀

賜進士出身二品銜廣東等處提刑按察使司按察使兼管驛傳事務黃岡王毓漢校刊

全後魏文卷十二終